

ALAVESEK HITZORDU HISTORIKOA DU GAUR MENDIZORROTZAN MALLORCAREN AURKAKO FINAL-ERDIKO JOANEKO PARTIDUAN

Zerutik bi urratsetara

Alaves eta Mallorca taldeak elkarren aurka ariko dira Mendizorrotzan gaur gaueko 22etatik aurrera (TVE-1). Hitzordu guztiz historikoa da Gasteizko talderentzat, Kopako final-erdia heltzen den hirugarren aldia baita 1928. eta 1939. urteen ondotik.



Luis Karlos Garcia / Gasteiz

ERASORA jo zuen atzo Jose Manuel Esnal Mane Alaveseko entrenatzaileak kazetarien galderari erantzunez. Albiste samarra da orain arte isil-isilik jardun izan baitu, baina oraingoan bizkaitarrak badaki taldea zerutik pare bat urratsetara duela, eta beraz, gogor jotzeko ordua dela.

Manek biziki kritikatu zuen kazetariak ateak itxita atzo egindako entrenamendura jotzea, eta, bide batez, gaur Mendizorrotza aurkariarentzako inolako tranparik izango denik ukatu zuen. Hitzok egitean Mallorcako komunikabideei begiratu zien batez ere. Irla-koek ez zuten oso ongi hartu.

Ez zen mezu bakarria izan. «Kanporaketa hau egundoko abagunea da eta horrela ulertu behar du publikoak, Mendizorrotza zeharo bete egin behar du eta. Izan ere, jendearen berotasuna espero dugu», deklaratu zuen. Sarrera garestiak izatea edo ordutegi ezohikoa oztopo ez izateko eskatu zuen.

Hector Cuper Mallorcako entrenatzailea, berriz, Alavesekin batere fio ez denetako bat da irlan. Maneren antzeko filosofiaz baliatzen da eta iragan igandean Nou Campen berdinketa lortu zuen hamaikakoa zelairatuko du Gasteizen, salbuespen bat izan ezik: atezaina. Hiru denboralditan soilik bederatzi partidu jokat



Pablo erdilaria gaur ere titular izango da.

JOSEBA OLALDE

tu dituen Xabier Manzisidor pasaitarra ariko da; Alaveseko jokalaria ohia Gasteizko taldearen oldarrari aurre egiteko. Arrisku gehiegi Cuperrena? Zeharo asmatu du Gasteizen motibazio ikaragarri jokatu duela?

Manek presioa kendu nahi du. «Halako zirrararen bidez dugu barrenean, bai, baina derrigorrik gabe gabiltza», esan du. Horrela gertatu izan da orain arte Real

Madriden edo Deportivoren aurka, baina gaurkoa ez da nolatanahikoa: Alaves gaur 1-0 nagusituz lehendabiziko urratsa eman go luke Kopako finala eta datorren denboraldiko Errekopa diren zerurantz, zeruan sainduak baitaude, eta Manek atzo aipatu bezala, «premonizioa» da Kopako finala Prudentzio Deuna Arabako patroien egunean ez hurrengoan jokatzea. Hala bedi!



Sivori aurrelaria.

JOSEBA OLALDE

itzuliko neurketan batez ere, ez zuen futbol bikaina egin.

Egia da ez zuela ongi jokatu, baina baita ere kalitate dezentetela, eta, pixka bat nahasten bagara, gola sartuko digute. Tira, ea Gasteizen emaitza ona lortzen dugun.

■ 1-0?

Sinatu egingo nuke, bai.

◆ Arturo Igoroin 'Sivori' ◆ Alaveseko aurrelaria

«Hau da partidurik garrantzitsuena Alavesen azkenaldiko historian»

ARTURO IGOROIN SIVORI aurrelari gasteiztarra, 21 urteko euskalduna, Alaveseko harrobiko bi-txietako bat da. Gripeak jota eman zuen joan zen asteburua eta oraindik eztulka ari da, baina gaur jokatze moduan egongo da.

■ Mallorcaren aurkakoa garrantzi gehien duen partidua al da Alavesen azkenaldiko historian?

Bai, bai, oso litekeena da. Hirugarren aldia da Alaves Kopako final-erdietara heltzen dena, eta beraz, bistakoa da oso partidu garrantzitsua dela. Gasteizko jarraitzaileentzat zeharo neurketarekia izango da.

■ Alaveseko betiko jendea gloria handiko garaia ekarri dizkio denboraldion egiten ari zirenak.

Bai, baina dena den oso bestelako taldea garena komentatu izan didate, garai hartakoa baino gazteagoak gara-eta. Hori bai, zaletuei gehien gustatzen zaiena da ikaragarri borrokatzen den taldea garena.

■ Gogortasun fisiko nahiz mental handiko finalerdi honetan, bada, jokoan dagoenarekin, borrokatze abagunea duzue.

Argi dago, final batean sartzeak garrantzi handiko ondorioak ekar baititzake. Dena den, guk badakigu Mallorca dela faborittoa, eta horrexegatik, lasai ariko gara ea zer datorkigun, eta behin galduz gero, teoriarik ez da ezer gertatzen.

■ Teoriarik ez, baina praktikan desilusio handia izango litzateke.

Guk lan bikaina egin dugu orain arte Oviedo, Compostela, Real Madrid eta Deportivo kanporatuz. Orain, final-erdietan kanpoan geratuta ere, zaletuak konturatu egingo dira egindako izugarriko balentriaz.

■ Gezurra dirudien arren, Mallorca aurkari zailagoa izan daiteke Real Madrid edo Deportivo baino.

Lehen Mailako taldea izanda, oso kanporaketa zaila izango dela jakitun gara. Ziur gaude borroka handiko partiduak izango direla. Baina aurkariak badaki Lehen Mailako lau talde kanporatu ditugula, eta, horrela egin badugu, zerbaitengatik izango dela. Nik uste dut Mallorca orain arteko lauek baino kontu gehiagoz ariko dela.

■ Mallorcak, Athleticen aurkako

iritzia

Aitor Arregi

Villarrealen jokalaria eta Alaveseko jokalaria ohia

Presio kontua

EZ dut uste Mallorcaren aurkako kanporaketa zailagoa denik Alavesek jokatutako gaitzetsuak baino. Zailtasuna, berez, orain arteko aurkariak agertu dute, baina Alavesek ederki jakin izan du aurre egiten arma ezin eraginkorragoen bidez: aurkariari pentsatzen uzten ez dion ikaragarriko presioa egin 90 minutuetan zehar, eta horretan oinarriturik, ziztadak moduko kontraerasoak bota; itzuliko partiduetan emaitzei eusten asmatu duenez, primeran moldatu da orain arte. Formula perfektua.

Baina nire uste apalean, Mallorca bada Alavesek final-erdietan topa zezakeen aurkari okerrena. Oso kontuz ibili beharko da, Alavesen antzeko taldea baita zenbait arlo garrantzitsutan. Esaterako, presioa zer den jakin badaki, eta, Alaves bezalaxe, atzealdearen sendotasunean oinarritzen da gehienbat. Nire aburuz, hortxe du sekretua Mallorcak, atzealde indartsu horretan. Gainera, atzelari titullarrak diren Marcelinok, Olaizolak eta Ivan Campok oso ongi ezagutzen dute euskal futbolaren nortasuna; ez zaie arrotza egingo Mendizorrotzako partiduak eta hori ere abantaila da. Baina dena esan dezadan, aurrealdean kalitate nahikoa dutela errekonozitu behar da, Valeron, Amato edo Stankovic klase handiko jokalaririk baitira. Nik uste dut Mallorcak, nahiz eta zutabe nagusia atzean izan, joko ona egiten ari dela.

Edonola ere, Alavesek orain arte bezala aritu beharra du, ilusio osoz. Ildo horretan, finalera heltzeko presioak ez luke gehiegi estutu beharko, kanporatzen badute ere ez bailitzaiteke ezertxo gertatuko. Horrela pentsatuz gero, Alavesek gauza asko egin dezakeela uste dut, eta, kasuotan ohikoa den porra eginez gero, nik argi eta garbi daukat zer jarri: Mendizorrotzan golik ez hartzea; hortik aurrera, 1-0 ongo legoke, eta jakina, 2-0 ere bai. Besterik ez. Soil-soilik zor-terik onena opa nahi diot Gasteizko talde maitagarriari den-denok Kopako finalean ikus dezagun. x